



DEN NORSKE KYRKJA

GULEN KYRKJELEGE RÅD OG FELLESRÅD

ÅRSMELDING FOR GULEN KYRKJELEGE RÅD OG FELLESRÅD 2024.



Meir himmel på jorda
Den norske kyrkja er ei vedkjennande,
open, tenande og misjonerande folkekyrkje
som vitnar i ord og gjerning om frelse, fridom og von i Jesus Kristus.

Innhald

Meir himmel på jorda	3
Råd og utval	3
Medlemar og vara i Gulen kyrkjelege råd og fellesråd 2024:	4
Tilsette i Gulen kyrkjelege fellesråd	4
Gudstenester og kyrkjelege seremoniar	5
Trusopplæring	5
Frå 0-13 år	5
Konfirmantarbeidet	5
Sokna	6
Brekke sokneutval v/ Renate Sætre	7
Gulen sokneutval v/ Sigrun Haveland	7
Mjømna sokneutval v/ Anne Evjenth Ytreøy	8
Innsamlingar i sokna.	8
Verdiåret 2024 i Bjørgvin	9
Innsetjing av ny sokneprest	9
Kyrkjelydsarbeidet v/ Håkon Kinsarvik	10
Fellessamlingar og møter gjennom året	11
Kyrkjer og gravplassar	11
Tilsyn i kyrkjene	11
Brekke kyrkje og gravplass	11
Oppedal gravplass	11
Gulen kyrkje og gravplass:	12
Rutle gravplass:	13
Mjømna kyrkje og gravplass:	13
Borgstova:	14
Økonomi	14
Driftsrekneskapen	15
Investeringsrekneskapen	15

Meir himmel på jorda

Folkekyrkje. Tenande. Misjonerande. Slik står det i visjonen til den norske kyrkja. Når enno eit år er omme, er det tid for ransaking. Har kyrkja i Gulen vore med å fylle denne visjonen? Årsmeldinga skal gje eit bilete av året som har gått, og kan kanskje gje nokre svar på det.

Landslovjubileet. Kristenretten. Jubileumsfeiring.

Året har vore innhaldsrikt, og for kyrkjevevja har det vore stor spennvidde i arbeidet: frå tur til Cuba i januar i regi av Bjørgvin bispedøme med besøk hjå venskapskyrkjelydar, til jubileumsfeiringa på Gulatinget og i kyrkja i samband med landslovjubileet i august. Vi har pilarar som samfunnet bygger på like tilbake til Magnus Lagabøte si landslov frå 1274. Kristenretten som vart innført på Moster i 1024 var forløparen. Dei 4 guddommelege døtrene i salme 85, v11, utgjer sentrale pilarar: Miskunn. Sanning. Rettferd. Fred.

Må vi vere med å bere vidare desse verdiane i samfunnet vårt. Og må vi som kyrkje gjere vårt. Og vere ei tenande og misjonerande folkekyrkje. Og må vi ta med oss orda vi får med oss ut frå kyrkja, og la dei omslutte oss i vårt daglege arbeid: «Gå i fred, og ten Herren med glede!»

Ingunn Sognnes, kyrkjevevje

Råd og utval

Det har vore 6 møte i Gulen kyrkjeleg råd / fellesråd, og det er til saman handsama 33 saker. Juni-møtet blei kombinert med sommaravslutning for stab og råd, der nyttilsett sokneprest Håkon Kinsarvik fekk treffe mange av dei han no samarbeider med. På septembermøtet blei dei tre sokneutvala inviterte med på fellesmøte for å utveksle erfaringar, kome med innspel og utfordre kvarandre på vidare arbeid: kva går bra, kva kan vi slutte med, og er det nye aktivitetar vi har lyst til å starte med hjå oss?

Det har blitt ein god rutine at nokre av møta blir lagde utanom kommunehuset, slik at dei som sit i rådet blir godt kjende i alle sokna med tilhøyrande kyrkjer og gravplassar. Det har vore synfaring både på Oppedal og Rutle gravplass, samt på Mjømna etter at rullestolinngangen var ferdigstilt.

Det er oppnemnt eit AU som består av leiar, nestleiar, prest og kyrkjevevje. AU blir i hovudsak brukt til kontakt via mail, med utveksling av synspunkt og orientering om spørsmål som treng ei rask avklaring. Ved tilsetjing av ny trusopplærar føretok leiar i GKF og kyrkjevevja intervju, og innstilte til GKF som gjorde vedtak om tilsetjing.

Administrasjonsutvalet har vore sett saman av Bodil Bjørlo Takle, Åse Haugen og tilsettrepr Margrethe Skåden. Det har ikkje vore møte i utvalet i 2024.

Medlemar og vara i Gulen kyrkjelege råd og fellestråd 2024:

Sokn	Medlem	Vara
Brekke	Bodil Bjørlo Takle Jan Helge Kristensen	Johnny Leidvin Langvatn Renate Sætre Line Sætre
Gulen	Åse Haugen Magny Eggum Berg	Odd Harald Eide Halvor Langeseth Brosvik Sigrun Haveland
Mjømna	Anne Kristine Evjenth Ytreøy Mina Cathrin Dahl Andreassen	Sølvi-Ann Oddekalv Bente Iren Haugen Erene Oddrun Wilberg
Geistleg repr	Øystein Skaug Frå påske Bjørn Magne Hansen	Bjørn Magne Hansen
Frå 01.08.	Håkon Kinsarvik	Bjørn Magne Hansen
Kommunal repr i GKF	Nils Inge Ynnesdal	Ingolf Wergeland

Av dei faste, folkevalde medlemane i rådet er det 17% menn og 83% kvinner.

Tilsette i Gulen kyrkjelege fellestråd

Tilsette	Stilling	storleik
Ingunn Sognes	Kyrkjevevje	80 %
Margrethe Skåden	Kontorfullmektig	40 %
Peter T. Jobbagy	Organist	60 %
Peter T. Jobbagy	Kyrkjelydspedagog	26%
Fram til 01.08.24	Kyrkjetenar Mjømna	14%
Astrid Øie Tveit	Kyrkjetenar Gulen	17%
Randi Trædal	Kyrkjetenar Brekke	14%

Etter at Peter T. Jobbagy slutta i stillinga som kyrkjetenar på Mjømna har stillinga vore lyst ut, men det kom ingen søkjarar. Ingolf Wergeland har teke på seg jobben på timebasis, men ynskjer ikkje gå inn i ei fast stilling. Det vert arbeidd med å få på plass vikarar som kan tre inn på kort varsel, då det ser ut at det blir vanskelg å få nokon tilsett på permanent basis.

Stillinga som trusopplærar i 25% blei lyst ut på hausten, og Åse Haugen er tilsett med oppstart 01.01. 2025.

Maren Daae Eide og Eirik Halsnes har blitt innleigde etter avtale på timebasis til konfirmantarbeidet. Konfirmantkullet som starta opp hausten 2024 er lite, med berre 10 konfirmantar, men det har blitt ein fin start med ny prest på plass.

Fram til 01.08 var det tilsett 2,5 årsverk. Etter 01.08 har det gått ned til 2,1 årsverk, då trusopplærarstillinga har stått vakant, og kyrkjetenar på Mjømna er etter avtale på timebasis. Det er ei overvekt av kvinner i staben, med 4 kvinner og 1 mann.

I tillegg kjem soknepreststillinga på 100%. Øystein Skaug slutta som vikarprest i 60% til påske. Torbjørn Sæle, sokneprest i Masfjorden, og sokneprest i Solund, Bjørn Magne Hansen hadde hatt ansvaret for konfirmantundervisninga og konfirmerte årets kull. I tillegg tok prost Helge Taranrød ein del av gudstenestene, særleg ved påske og pinse. Det er Bjørgvin bispedømme som er arbeidsgjevar for prestane, og prosten har ansvar for å syte for at prestetenesta fungerer. Samarbeidsavtalen som gjeld prestetenesta i Gulen, Solund og Masfjorden gav kontinuitet og stabilitet i ein periode før ny sokneprest kom på plass.

Det har ikkje vore sjukmeldingar utover arbeidsgjevarperioden.

Klokkartenestene i Brekke, Gulen og Mjømna blir utført av frivillige.

Gudstenester og kyrkjelege seremoniar

Sokn	Antal gudstenester totalt	Tal frammøtte	Snitt pr gudsteneste	Antal konfirmerte	Antal døypte	Vielse	Gravferder
Mjømna	21 (19, 21)	817 (810, 877)	39 (42, 41)	7 (4, 3)	2 (5, 7)	2 (2, 1)	8 (9, 7)
Gulen	25 (25, 25)	1809 (1357,1653)	72 (54, 66)	13 (8, 17)	7 (13, 6)	1 (2, 1)	13 (10,16)
Brekke	17 (21, 17)	776 (975, 727)	45 (46, 42)	5 (6, 5)	6 (5, 4)	3 (0, 2)	6 (6, 4)

Tal for 2024, (23 og 22 i parantes)

Trusopplæring

Frå 0-13 år

Når det gjeld trusopplæringa så er det gjennomført hausttakkefest med utdeling av Mi kyrkjebok til 2-, 4 -, og 6 - åringar i alle kyrkjene. Tårnagent-samlinga i Gulen kyrkje blei gjennomført, medan Lys vaken på Mjømna gjekk ut pga inga påmelding. Det er blitt gitt eitt årsabonnement av søndagsskulebladet Barnas til 6-åringane, og alle 6-åringane som er registrert i medlemsregisteret til kyrkja får tilsendt bladet i posten. Det er starta opp søndagsskule på Dalsøyra, noko som er svært gledeleg. Nytt av året er at boka Arvegull blir delt ut til dåpsforeldra. Konfirmantfesten har siste åra veksla mellom Byrknes - og Brekke bedehus, i år var den på Byrknes etter samtalegudstenesta i Mjømna kyrkje. Det var god oppslutnad både frå konfirmantane og foreldra. For å få desse tiltaka til å fungere godt er vi heilt avhengig av frivillege som stiller opp lokalt, anten det er medlemar i sokneutvalet eller andre i bygda, i tillegg til dei tilsette i kyrkja. Takk til bedehusstyra både i Brekke og i Byrknes bedehusapell for ikkje berre utlån av hus, men også for godt samarbeid med tilrettelegging og servering i ulike samanhengar når vi legg arrangement dit.

Konfirmantarbeidet

Våren 2024 var det 26 konfirmantar fordelt på dei tre sokna: 8 i Mjømna, 13 i Gulen og 5 i Brekke. Sidan soknepresten ikkje byrja før hausten 2024, har opplegget vore tilpassa, og prestane i Masfjorden og Solund har delt ansvaret for undervisninga. Deira innsats har vore uvurderleg for konfirmantane. I staden for seks kortare samlingar har konfirmantane dette året hatt fire lengre undervisningsdagar, supplert med sosiale samlingar gjennom våren. Maren Daae Eide og Eirik Halsnes har vore verdifulle ressursar i arbeidet, og trass i utfordringane knytt til prestesituasjonen har opplegget fungert godt.

Hausten 2024 har konfirmantarbeidet i Gulen vore prega av eit variert og innhaldsrikt program. Konfirmantane har fått delta i gudstenester, undervisning, sosiale samlingar og refleksjonsgrupper. Dette året har me hatt 10 konfirmantar, fordelt slik: to i Mjømna, to i Brekke og seks i Gulen sokn.

Leiarane Maren Daae Eide, Eirik Halsnes og Odin Villanger Henriksbø har vore sentrale i gjennomføringa av konfirmantopplegget. Deira engasjement, erfaring og innsats har vore avgjerande, og me set stor pris på det arbeidet dei har lagt ned. Soknepresten har vore med i både planlegging og gjennomføring av konfirmantarbeidet, medan foreldre har bidrege som støttespelarar – anten det har vore med mat, vakthald eller transport. Deira innsats har vore til stor hjelp, og me vil rette ei stor takk til dei.

På lysmessa på første søndag i advent deltok konfirmantane spesielt i gudstenesta, med lystenning, forbøn, lesing og meir. Det var ei høgtidleg markering der vi blei minna om lyset som er sterkare enn mørket.

Felles overnatting i kyrkja

Eit høgdepunkt i haust var den felles overnattinga i kyrkja saman med konfirmantar frå Solund og Masfjorden. Det vart ei natt fylt med fellesskap, undervisning og lek. Med ryggsekkar, liggeunderlag og soveposar møtte ein spent gjeng opp i Gulen kyrkje ein mørk novemberkveld, klare for ei oppleving utanom det vanlege.

Gjennom kvelden fekk konfirmantane bryne seg på rollespel og escape room, der oppgåvene inkluderte morsealfabet, bibelske puslespel og symboltolking – ein spennande miks av lek og alvor. Etter intens innsats fekk dei lojale til slutt overtaket, akkurat i tide til kveldsgudstenesta.

Bjørn Magne Hansen og Torbjørn Sæle bidrog med stemningsfull musikk og refleksjonar om lys og mørke, medan konfirmantane sjølve deltok aktivt i liturgien. Etter gudstenesta heldt nokre ivrige sjeler aktivitetane gåande langt ut over natta, medan andre fann ro mellom kyrkjebenkene.

Morgonen etter vart det felles frukost og ei avsluttande samling med velsigning og song – ein fin slutt på ei oppleving som utan tvil vil bli hugsa lenge.

Me gler oss over engasjementet og ser fram til eit nytt konfirmantår med nye opplevingar!



Full aktivitet med nytt konfirmantkull.

Foto Håkon Kinsarvik

Sokna

Kvart sokn har eit sokneutval. Det er ikkje eit formelt organ, men er viktig for å vere nær den einskilde kyrkjelyden og bidra i det kyrkjelege arbeidet, samtidig som ein har kontakt

inn mot Gulen kyrkjelege råd (GKR). Sokneutvala har blant anna oppgåver som kyrkjevertar, tek på seg dugnadsarbeid og kjem med innspel til GKR.

Sokneutval	
Brekke	Renate Sætre, leiar, Bodil Bjørlo Takle, Jan Helge Kristensen, Johnny Leidvin Langvatn, Line Sætre, Inger Marie Håheim Tynning, Per-Arne Breidvik
Gulen	Heidi Rosseland- Fjærestrand, Åse Haugen, Magny Eggum Berg, Odd Harald Eide, Halvor Langeseth Brosvik, Sigrun Haveland, leiar, Kari Hella Furnes, Laila Margaret Kjelby.
Mjømna	Anne Evjenth Ytreøy, leiar, Mina Dahl Andreassen, Sølvi-Ann Oddekalv, Bente Iren Haugen, Erene Oddrun Wilberg, Caroline Sivertsen Einebærholm, Gunnlaug Oddny Birknes, Arve Harald Mjømen, Evy Marie Unneland.

Brekke sokneutval v/ Renate Sætre

Sokneutvalet si kanskje viktigaste oppgåve er å vere kyrkjevertar og ordne med kaffi etter gudstjenester, noko me føler kyrkjegjengarane set stor pris på.

Det er sokneutvalet si oppgåve å sette opp liste med kyrkjevertar og klokkar, og å komme med forslag til offer.

I vår arrangerte sokneutvalet ilag med Brekke bygdekvinnelaget ein dugnad i kyrkja og på uteområde på kyrkjegarden. Me fordelte dugnaden på to dagar, då fekk ein anledning til å ferdigstille det me hadde sett føre oss, og vi kunne lage ei fleksibel løysing for dei som ville delta på dugnaden på den dagen det kunne passe best. Me var ein god gjeng som møtte til dugnad, og fekk rydda godt opp på uteområdet og ordna mykje inne i kyrkja.

Brekke sokneutval var med å bidra med å stille med kyrjekaffi og kaker etter jubileumsgudstenesta som vart arrangert i sommar i samband med landslovjubileet på Gulatinget.

I samarbeid med Brekke bygdekvinnelag arrangerte Brekke sokneutval den tradisjonsfesta adventsverkstaden i Risnehallen. Eit koseleg arrangement med omlag 30 born som deltok.

Etter adventsverkstaden var det gudsteneste der konfirmantar deltok.

Sokneutvalet gav til jul ein blome til dei som har mista ein av sine dette året.

Gulen sokneutval v/ Sigrun Haveland

Vi har hatt tre møte i utvalet i 2024.

Vi har vore med og organisert fasteaksjonen for konfirmantane og tatt nokre ruter grunna litt for få konfirmantar.

Ellers er oppgåva som kyrkjevertar vår viktigaste oppgåve. Ser det som ei viktig oppgåve å ønske folk velkomen til gudsteneste og sørge for kaffi og kaker til kyrjekaffi, slik at vi legg til rette for sosialt samvær og den gode samtalen etter gudstenesta. På jubileumsgudstenesta i august var alle sokna med og ordna med kyrjekaffi og andre praktiske ting.

Før jul hadde vi ein julekonsert med mange deltakarar og mykje flott sang og musikk.

Ellers har vi hatt to dagar med dugnad i april, vaska inne i kyrkja og rydda på kyrkjegarden.

Vi har og så smått starta med søndagskule på Dalsøyra saman med Hildegunn Atterås. Det har ikkje vore så veldig stort oppmøte, men me held fram med ein gong i månaden og håpar på fleire born.

Mjømna sokneutval v/ Anne Evjenth Ytreøy

Sokneutvalget har i løpet av året hatt sju møter der det stort sett har vært lagt planer for ulike aktiviteter som eldretreffene, høstfesten, lister for kirkeverter og for offergaver. På noen av møtene våren -24 inviterte vi med oss Bjørn Magne Hansen (da i etterkant av eldretreff), og på siste møte i høst inviterte vi Håkon Økland Kinsarvik. På dette møtet planla vi en del aktiviteter for våren 2025.

Klokkerteamet vårt bestående av Esther Unneland, Ingolf og Inger Marie Wergeland, Grete Lie og Bente Haugen, har som alltid gjort en glimrende jobb. Dugnadsdagen våren -24 var svært vellykket, og det var mange som møtte opp for å arbeide. Alle oppgaver som var satt på planen, både ute og inne, ble ferdigstilt. Været var fint, så vi rundet av med kaffe og heimebakst på kirkebakken.

Utenom gudstjenestene har vi hatt følgende aktiviteter: Månedlige eldretreff på Byrknes Bu- og omsorgssenter der det er andakt ved Bjørn Magne Hansen, kaffe og heimebakst blir servert av medlemmer av sokneutvalget. Det er også et populært åresalg der loddpengene fortrinnsvis skal benyttes til sosiale tiltak for beboerne på "Tunet".

8.mai gudstjenesten (frigjøringsdagen) i samarbeid med gruppen for Bjørn West minnestøtte var ved prost Helge Taranrød, og ukrainske flyktninger deltok med bl.a. sang. Det ble en fin markering av dagen der ungdommer deltok med tale og kransenedleggelse.

Eldretur i samarbeid med Solund sokn v/ Bjørn Magne Hansen gleder vi oss like mye til hvert år. Høstfest med koldtbord (laget av sokneutvalget), og kakebord laget av velvillige sambygdingar, underholdning av "Mott i brystet", allsang, quiz, m.m er gjennomført også i år. Konfirmanttreff i bedehuset der representanter for sokneutvalget laget og serverte lasagne til deltakerne slo godt ann.


På julekonsert med sang av Cherry Marie Evanger, "Øyklang" og "Mott i brystet" var vi heldig som også fikk med oss en gruppe ungdommer som ved siden av sine egne sanger var forsangere ved allsang.

Innsamlingar i sokna.

Kirkens Nødhjelp sin fasteaksjon blei også i år gjennomført ved at konfirmantane gjekk rundt på dørene med bøsse, og resultatet (kontantar og vipps) blei totalt på kr 41.519. Fordelt på sokna kom det inn 28.396 i Gulen, i Brekke 6794 og i Mjømna 6329.

Kyrkjeoffera var på 69.370 i Gulen, 39.245 i Brekke og 30.687 i Mjømna. I tillegg er det samla inn 9880,- ved åresal på dei faste samlingane ein gong i månaden på Eldretunet på Byrknes. Det er sett i gang ei innsamling til nytt piano i Mjømna kyrkje til 125-årsjubileet i 2026, og noko av midlane innsamla på Eldretunet vil gå til det.

Verdiåret 2024 i Bjørgvin



Gulatinget med framføringa av Guds 4 døtre v/DNS



Prosjektleiara Gulatinget 2024 Tone Ekerhovd, biskop Ragnhild Jepsen, ordførar May-Lynn Osland, sokneprest Håkon Kinsarvik og statsråd Kjersti Toppe ved krossen i Krossteigen.

1000-årsjubileet for kristenretten og 750-års-jubileet for landslova blei markert på Gulatinget og i Gulen kyrkje 23.-25.august. Tema for jubileumsfeiringa var verdier i lovverket: Folkestyre- Tillit - Fred. Grunna svært dårleg ver, med masse regn heile helga, blei to konsertar flytta frå Gulatinget til kyrkja: fredag kveld med Jens Wendelboe og Hardanger Big Band, og laurdag med Anita Nordheim Blues n Groove Company.

Søndag 25.august var det jubileumsgudsteneste i kyrkja, der biskop Ragnhild Jepsen heldt preika. Som tekstlesarar deltok barne - og familieminister Kjersti Toppe, og ordførar i Gulen May- Lynn Osland. Liturgar var Bjørn Magne Hansen, prost Helge Taranrød og nyttilsett sokneprest Håkon Kinsarvik. Etterpå var det kyrjekaffi i Gulasalen på kommunehuset.

Verdiåret blei også markert i kyrkjene i Bjørgvin i pinsa.

Innsetjing av ny sokneprest

Håkon Kinsarvik blei innsett som ny sokneprest på gudstenesta 8.september i Gulen kyrkje. Leiara i Gulen kyrkjelege råd, Bodil Bjørlo Takle, las opp tenestebrevet frå biskop Ragnhild Jepsen, før prost Helge Taranrød velsigna Håkon med handspålegging. Vitne var Bjørn Magne Hansen, Torbjørn Sæle, Odd Harald Eide og Bodil Bjørlo Takle.

Dei etterfølgjande søndagane blei tenestebrevet lese opp i dei to andre kyrkjene.

Som takk for den ekstra innsatsen Bjørn Magne Hansen hadde gjort, både med å få tenestekabalen til å gå opp før ny sokneprest var på plass, og med jubileumsgudstenesta, fekk han overrekt ei skinninnbunden utgåve av Magnus Lagabøtes landslov, overrekt av leiara i Gulen kyrkjelege råd, Bodil Bjørlo Takle.

Kyrkjelydsarbeidet v/ Håkon Kinsarvik

Hausten 2024 tok eg fatt som sokneprest i Gulen, og desse månadene har vore ein virvelvind av opplevingar, møter og nye menneske. Gulen, med sine mange kyrkjer og levande bygder, har synt seg som ein kommune med djupe røter i både tru og fellesskap. Her pustar folkekyrkja fritt, mellom menneske som ber arven vidare.

I Gulen sokn er det kjekt å sjå at barnefamiliar vel å møta opp når dei får invitasjon til kyrkja. Då me delte ut bøker til 2-, 4- og 6-åringane i haust, fylte dei kyrkja med forventning og små, spente hender. Brekke sokn syner seg i sterke salmetonar. Det gjer meg glad å sjå at mange vel å bera borna sine til dåpen i heimekyrkja, sjølv om dei bur vekk. Mjømna sokn har ein varme og eit fellesskap som rører djupt – ein dugnadsånd som bind saman. Sokneutvalet vil noko, og det gleder meg.

På Byrknes bu- og omsorgssenter finn min gode kollega Bjørn Magne Hansen vegen med andaktar og song ein gong i månaden, med god hjelp frå frivillige.

1000-årsjubileet i august – ei feiring av Gulen og Noreg si historiske arv. Regnet piska mot jorda, men folket fylte kyrkja, for fellesskap, for konsertar og heilage møter. Biskopen og ministeren var til stades, men det var ikkje dei åleine som gjorde feiringa stor – det var folket, historia, det levande engasjementet. Dette viser at kyrkja ikkje berre er eit rom for bøn og salme, men eit kulturelt hus, eit samlingspunkt for alt som bind oss saman. Eg vonar me kan dyrka denne rolla vidare i tida som kjem.

I september vart eg innsett som sokneprest. Det var ei stund fylt av alvor og glede, av tradisjon og nytt engasjement. Prestane frå Masfjorden og Solund var med – eit teikn på at me ikkje står åleine, men saman. I september var det òg konfirmantpresentasjon i alle tre kyrkjene.

Konfirmantarbeidet vårt har vore rikt, med samarbeid på tvers av kommunegrenser. I november overnatta me i kyrkja, og der – i det dempa lyset – vart me minna om at døden ikkje har siste ord.

Når eit menneske går bort, opnar kyrkja dørene og famnar sorga. Eg ser det gong på gong – kor djupt folk treng rommet, rituala, orda, stilla. Samtalane med pårørande set spor. Dei minner meg om kva eit menneske er, og kva det har betydd for dei rundt. Det er stor oppslutnad om gravferd i kyrkja, og mange kjem òg til seremonien.

Gjennom hausten og vinteren har me styrkt samarbeidet med sjukeheimen og bu- og omsorgssentra i kommunen. Seniorgudstenesta i desember vart ei varm og verdig samling, med godt oppmøte. Adventsgudstenestene ved bu- og omsorgssentera vart lyspunkt. At kyrkja framleis har ein viktig plass for dei eldre, rører meg. Dei ber historia vår i hendene sine, og det å få møte menneske med røter langt tilbake er fint og sterkt.

Samarbeidet med kommunen har vore godt, og skule- og barnehagegudstenestene viser at kyrkja framleis har ein plass. Dåpen er eitt av høgdepunkta i kyrkjeåret, men her ser me ei utfordring: Talet på dåp har gått ned frå 23 i 2023 til 15 i 2024, noko som i hovudsak har med fødselstala i kommunen å gjera.

Me ser òg at trusopplæringa har nedgang, og at talet på frivillige har minka med over 40 % dei siste fem åra. Dette er ein realitet me må ta på alvor, men det gir oss samstundes ein ny sjanse til å invitera fleire inn, finna nye måtar å engasjera folk på og byggja opp att eit sterkt fellesskap rundt kyrkja.

Det er sterkt å sjå at sokna tek ansvar for så mykje fint. Det er òg ei glede å vite at sundagsskulen er starta opp att på Dalsøyra. Born og unge er viktige satsingsområde.

Fellessamlingar og møter gjennom året

Kyrkjeverja deltok på stiftsdagar i Bergen i februar.

Kyrkjeverja deltok på leiarkonferansen for Bjørgvin i Bergen i mars.

Kyrkjeverja deltok på leiarkonferansen for kyrkjeverjer på Lillehammer i september.

Kyrkjeverja deltok på kystpilegrimskonferansen i Selje i oktober.

Kyrkjeverjelaget i NH prosti har møter fysisk eller på teams gjennom året for å drøfte aktuelle saker. Prosten deltek som regel på desse samlingane.

Kyrkjeverja og leiar i fellesrådet har hatt møte med ordførar og kommuneadministrasjonen i samband med budsjettarbeidet og økonomiplanen.

Leiar i rådet var med i tilsetjingsnemnda ved tilsetjing av ny sokneprest.

Utsendingar frå kvart sokn møtte på rådsmøtet og stiftingsmøtet for Fjon Fjellkyrkje.

Kyrkjer og gravplassar

Tilsyn i kyrkjene

Det har blitt utført tilsyn med sløkkeutstyret for brann i alle tre kyrkjene. Kyrkjene har brannvarslings-system som går rett til 110-sentralen. Brannalarmen blei utløyst ved starten på ei gudsteneste i Gulen kyrkje, lokalt brannvesen kom til og sjekka ut at det ikkje var brann. Innimellom dukkar det opp feilmeldingar, dei vert sjekka og kvitterte ut. Det er årleg kontroll av brannvarslingssystemet, med skifte av batteri mm. Vi har avtale med eit firma om 3-årig EL-tilsyn, med eigenkontroll dei to andre åra. I år var det tid for ekstern kontroll, og avvik som blei avdekka blir følgt opp.

Brekke kyrkje og gravplass

Det er ikkje utført noko ekstra tiltak inne i kyrkja, men etter EI-kontrollen har ein fått skifta ut ein del av dei gamle kolo-ledningane med tilhøyrande lysbrytarar.

Det har blitt gjort ein del arbeid på gravplassen rundt kyrkja med å fjerne busker som har vakse opp og ikkje blitt stelte, særleg rundt gamle gravminne. Nokre stader såg det ut som der berre var ein busk, men då buska vart fjerna, dukka eit gjengrodd gravminne opp. Det er fjerna 38 gravminne rundt kyrkja, noko som gir høve til gjenbruk. I tillegg ser det meir velstelt ut når ein får rydda litt opp, og det vert lettare å halde det på sommaren med slått.

Oppedal gravplass

Stakittgjerdet langs vegen har fått ei etterlengta renovering, med spyling og maling, utført av Brekke Mannskor for eit honorar til kor-kassa. Når dei først var i gang tok dei også

klokkestøpulen om hende, og det blei laga ny grind. Tilkomsten frå vegen og opp til porten ved enden på gravplassen har vore dårleg, og det har vore vanskeleg å kome opp med bårebil på vinteren då det laga seg issvullar i vegen. Dette blei teke opp på eit møte i fellesrådet, der det blei vedteke å løyve ekstra midlar for å få dette utbetra før vinteren. Vegen blei utbetra og vatnet lagt i røyr, samtidig som det er laga plass for parkering til 2-3 bilar, slik at pårørande som er dårlege til beins også kan vere med på gravplassen.



Gulen kyrkje og gravplass:

Nytt fordelings/sikringsskap kom på plass rett etter nyttår, og rommet attmed prestesakristiet er no omgjort til tavlerom. I tillegg er fire av røyromnane inne i kyrkja skifta.

Utvendig er rullestol-rampen renovert, og rekkverket, kyrkjeporten og rekkverk ved hovudinngangen er pussa opp og malt. På parkeringsplassen er to nye lysmaster komne på plass, og lysmasta ved oppkøyringa til kyrkja er overteken av fellesrådet, tidlegare var den drifta av Eivindvik Bygdelag. Det er fjerna 10 gravminne på gravplassen.



Foto I.S

Rutle gravplass:

Opprustninga av gravplassen har gått over fleire år, og no er vi endeleg i hamn! Gravplassforvaltninga v/ Statsforvaltaren i Vestfold og Telemark godkjende søknaden om hjortegjerde, men med krav om planteplan og planting langs gjerdet for å dempe inntrykket. I slutten av august blei det planta laurbærhegg frå porten og mot minnestøtta, og frå minnestøtta er det planta ein type barlind. Det er god avstand mellom plantene, men det vil vere viktig framover å passe på at dei ikkje veks seg altfor store, så beskjering må til.



Foto I.S

Mjømna kyrkje og gravplass:

Det er ikkje gjort ekstraordinært vedlikehald inne i kyrkja, men nyinnkjøpt skap for oppbevaring av messehaglane er komen på plass.

Arbeidet med ny rullestolrampe blei ferdigstilt på nyåret og ferdigattest utferda.

Ute bak kyrkja stod det ein del vatn i terrenget i haust, og det blei drenert og leda ned i avløp.

Borgstova:

Utvendig restaurering blei ferdig i 2023, men det stod att ein god del innvendig. Ny straumtilførsel måtte på plass, med nye kablar, sikringsskap og lys og varme etter dagens standard. Hjørnet med spor etter eldstad blei kledd inn, og langs veggen mot nord måtte mange bord skiftast ut. Langsetter heile veggen går det no ein benk som også kan nyttast til oppbevaring. I sommar blei stova malt med fargen oker på vegger og bjelkar, den ligg nær opptil fargen vi fann spor av på veggene. Dei måtte først reinskast for store spikrar som såg ut til å ha vore brukte som «krokar», det var ein heil jobb i seg sjølv. Vindauge, dør og tak blei malte kvite, og resultatet blei bra. Det var meininga å olje golvet, men det rakk vi ikkje før det blei haust og kaldt, so det blir gjort til våren att.

Etter jubileumsgudstenesta 25.august var det høve til å sjå innom på veg opp til kommunehuset for kyrjekaffi. Vi inviterte alle på kommunehuset til graut-lunsj i desember, det var eit samarbeid med trivselskomiteen på kommunehuset. Med bord og benker frå ulike hald, samt nokre kyrkjebenker, var det god plass til ca 25 personar. Framover håpar vi at fleire vil bruke stova til ulike samlingar, og til sommaren vil den vere opa samtidig som vi har ope for besøkjande i kyrkja.



Borgstova blei innvia med julegraut for tilsette på kommunehuset.

Foto I.S

Økonomi

Det vert ført felles rekneskap for Gulen kyrkjelege råd og fellesrådet. Ofringar og gåver gitt i dei ulike kyrkjesokna blir ført under tenesta anna kyrkjeleg verksemd, og det kjem fram kor mykje som er samla inn, kor mykje som går til eige arbeid eller som blir vidaresendt til organisasjonane som er tildelt kyrkjeoffera.

Rekneskapen for Gulen kyrkjelege fellesråd er ført på rekneskapsavdelinga i kommunen gjennom tenestekjøpsavtalen. Det er gitt driftstilskot frå kommunen på kr 2.871.600,- og investeringstilskot på kr 650.000.

I tillegg kjem verdien av tenesteytingsavtalen på kr 591.779, men den har ikkje resultatmessig effekt.

Tenestekjøpsavtalen med kommunen er revidert ilt av året og oppdatert i høve faktiske tenester og med innlagt indeksregulering, og vil frå 2025 heilt ut følgje den reviderte avtalen. Samarbeidet med kommunen har vore godt, takk til alle som bidreg til det!

Kyrkjelydsbladet har kome ut med fire nr, og det blei som tidlegare lagt inn giro i haustutgåva. Gåveinngangen har vore god, og det kom inn kr 61.265 i gåver til utgjeving av bladet. Mesteparten av arbeidet blir pr i dag gjort på dugnad, både med oppsett av bladet og med fordeling rundt i postkassane. Overskotet på kr 7969,90 vert sett av på fond til bladet.

Driftsrekneskapen er oppgjort med eit mindreforbruk

Mindreforbruket på drift er på kr 339.382,32.

I hovudsak er grunnen bruk av premiefond i KLP på kr 127.000, mindreforbruk på straum på ca 50.000 og vakanse i trusopplærarstillinga frå 01.08 på 90.000. I tillegg gir auka renter finansinntekter på 93.357.

Investeringsrekneskapen er oppgjort i balanse.

Det er gitt kr 650.000 i tilskot frå Gulen kommune, resten er finansiert med bruk av investeringsfond på kr 50.760. Rekneskapen er oppgjort i balanse.

Eivindvik 20.02.2025

Bodil Bjørlo Takle

Leiar GKR / GKF

Ingunn Sognnes

Kyrkjevevje